

Tuhaqtitauyukhaq

Qillaminuaq Tuhaqtitauyukhaq

Nunaqyuat Tamaat Nanungnun Katimagyuarut

IQALUIT, Nunavut (Ubluirvia 9, 2013) – Nunavut Kavaman quviahuktumik taima ihumagiyut Inuinait aulahimaaqtun akhuqnaqtumun havaagiaqaqtun nunaqyuangit uqaqhimaqaqtun talvuuna nanungnut tamaqtailinikkut munagitjutikharniklu imani havainirmi talvani Russia-mi.

“Una hivulliqpaanguyuq taima pitquhingit avatiliqinikkut ihumagiluaqtauliktuq ilitagiyauliqhunilu kiutjutigiyauliqhunilu nunaqyuangit katimaviani naunairutingni talvuuna hivunikharnik nanungnik munagitjutikhakat ihumaliuknikkut,” uqallaktuq Hivulliqti Peter Taptuna. “Quvianaqpiaqtuq tautugiangat havakhimaaqtavut inigiikhimaliktun hanaqitjutikhavutlu atuinaqtainik Inuinait ihumagiyamingni munagiyaangat nanungnik tamaqtailiyaangat atuqtauniaghimayut nunaqyuangit ilaqtatigiqiyavut.”

Ilauyt tamna Nuanvut Kavamanmi, ilauhimayuq Avatiliqiyikkut Ministat Johnny Mike, tingmikkut aulaaqpaktuq Russia-mun taima ilagiplugit Kanaitiangit ilauyukhanik talvuuna Nunaqyuat Tamaat Nanungnun Katimaqyuarut. Tamna katimaqyuarut nangatjutigivaktaat 40nik nallitikharnut atiqtuinikkut *1973mi Angirutikhanga Tamaqtailinikkut Nanungnik.*

Tamna 1973mi Angirutikhanga Tamaqtailinikkut Nanungnik atiqtuigiikhimayuq tallimanik Ukiuktaqtuniitunik nunaqyuangit – Kanata,Norway, Denmark (Greenland), Russia, United States of America-lu, taima ilaqtatigiingnamik munagitjutikharnik tamanik nunaqyuangit 19nugyut nanuit amigaitilaangit. Tamna angirutikhaq havagiikhimayuq havaktakhangit nunaqyuat tutqikhaitjutikhhat tamaqtainikkut uuktutikhhat munagiyangat nanuit ukiuktaqtuniitunik avatingit, ikayuutigivaktaat nanuit nampangit amiqaiqumirutingitlu talvanga ikitlinganin 10 tausinik nanungnik 1960nin taima amiqaiqumikhimayut taima 25 tausinik ublumin.

Ministat allatlu ilauhimayut talvanga tallimanin nunaqyuanganin, “nunaqyuangit ilauhimayutluuniit”, katimavaktun uvani havainirmi naunaiqyumiingat havakhimaaqniaqtangit talvuuna ukium 1973 angirutmi ilaqaqtigiiklutiklu nuutaanik hanaqitjutikharnik ikayutigiiyaangat ilitugipkagiangat hivunikhat munagitjutikharnit ihumagiyayut, taima hilam allanguqtirutinganun, himiqtuinikkut ihuangitumik, amigiaqyumiqtitutiklu hanaqitjutikharnik havakhimayunik. Nuutaangugiikhimayumik ilitugitjutikharnik atiqtuiyagiilqhimayuq tamainin katimayunut, ilitagiplugit pitjutikharnik hivunikharni nunaqyuat angiqatigiikharnik, naunaiyailutiklu akhuqnaqtun havakhangit nanuit aulatjutikharnik nunangani pitquhingitlu inuuhiani Ukiuktaqtuni nunaqaqqahimayunut inungnut.

“Ilitugipkaiyumayunga pittiaqnikkut quyarutikharnik talvunga Russian-mun Timituqangitnun katimapkaivaktunut uumunna akhuqnaqtuq hulilukaakninganun, ilauqatigiyavutlu Kanatami nuatqatigiyakqut Ukiuktaqtuniitun nunaqyuangit taima havakhimaanginaqtun munagiyaangat nanungnik munagitjutikharnik,” uqallaktuq Minista Mike. “Nanuit ilitagilimainamik maligaliqiunut aviktuqvit, amgaitun katimavingit nanuit ilauqatigiikhimayut akunngatigun nunaqyuanganit. Tamapta ilaqaqtigiikluta munagitjutikhaqaqtugut ihuaqhaitjutikharnik munagitjutikharniklu nunaqyuanganut nanungnik.”

Nunavut Kavaman ilaqaqtiguingitlu, ilauyt Avatiliqiyikkut Kanata, Inuit Tapiriit Kanatami (ITK), Nunavut Tunngavik Inc. (NTI), Kavamangit Nunatsiarmi, Makivik Kuapulaisingit, Nunatsiavut Kavamangitlu, aulahimaaqtun akhuqhutik ihuaqtumik munagiyaangat nanungnik.

###

Tuhaqtitiliqiyi Hivayaqlugu:

Tyler Ross
Atanguyam Ikayuktinga Tuhaqtitiliqiyiitkuni
Avatiliqiyikkut
tross1@gov.nu.ca
867-975-7720